



»» Президент

## ВАТАН ҚЎРҒОНИ МУСТАҲКАМ БЎЛСА...



**Қозоғистон Республикаси Президенти Қасим-Жўмарт Тўқаев раислигида Хавфсизлик кенгашининг навбатдаги мажлиси ўтди.**

Йиғилишда Қуролли Кучларни ривожлантириш бўйича олиб борилаётган кенг қўламли ишлар сарҳисоби қилиниб, вазирлик ва идора-

лар ҳамда маҳаллий ҳокимият органларининг армияни ривожлантириш ва ислоҳ қилиш борасидаги фаолиятига баҳо берилди. Бундан

ташқари, Қуролли Кучларни ислоҳ қилиш ва ривожлантиришнинг бошқа муҳим йўналишлари кўриб чиқилди. Йиғилиш якунида Қозоғистон Республикаси Президенти, Қуролли Кучлар Олий Бош Қўмондонни Қ. Тўқаев томонидан мамлакатимиз

мудофаа қобилиятини мустаҳкамлаш соҳасидаги келгуси ишларни ташкиллаштириш бўйича вазифалар белгиланди.

Akorda.kz  
маълумотлари асосида.



## ҚОНУН УСТУВОРЛИГИ – АДОЛАТ ТАМОЙИЛИ

**ҚР ПРЕЗИДЕНТИ СУД БОШҚАРУВИ ХАЛҚАРО ҲАМЖАМИЯТИ (ІАСА) РАҲБАРИ ПАМЕЛА ХАРРИСНИ ҚАБУЛ ҚИЛДИ**

Учрашувда Қасим-Жўмарт Тўқаев ҳуқуқий давлат барпо этишда қонун устуворлигини таъминлаш ва суд-ҳуқуқ тизимини ислоҳ қилиш ҳал қилувчи аҳамиятга эга эканини таъкидлади.

– “Қонун ва интизом” тамойилини қарор топтиришга қаратилган муҳим ислохотларни амалга оширдик. Биз қонун устуворлиги жамиятга босқичма-босқич кириб келиши керак, деб ҳисоблаймиз. Бу мамлакатимиз барқарорлиги ва тараққиёти учун жуда долзарб. Шунинг учун халқаро ҳамжамият Қозоғистон ва мамлакат суд-ҳуқуқ тизими билан яқиндан ҳамкорлик қилиши керак, – деди Президент.

Суд маъмурияти ва Олий суд вазифаларининг тақсимоли жаҳон амалиётидаги энг самарали ечимлардан бирidir. Учрашувда адлия идоралари ўртасидаги ҳамкорликни кенгайтириш, суд жараёнларида рақамли ечимлар ва сунъий заковатдан фойдаланиш истиқболларига алоҳида эътибор қаратилди.

Akorda.kz  
маълумотлари асосида.

Янги Қозоғистон – мустақил мамлакатимиз келажаги тимсоли. Ўз мамлақати келажагига ишонмаган халқ кучли давлат қура олмайди. Тарихда бунга кўплаб мисоллар келтириш мумкин.

Бизнинг ниятларимиз қатъий ва истиқболли келажакни ўз қўлимиз билан яратишимиз мумкинлигига ишонамиз. Ҳар бир фуқаронинг конституциявий ҳуқуқларига қатъий риоя этилишини таъминлаймиз. Давлат ва жамият ўртасидаги ўзаро ишонч ва ҳурматга асосланган янги сиёсий маданиятни шакллантираемиз. Муҳим қарорлар жамоатчилик иштирокида очиқ қабул қилинади. Зеро, давлат ҳар бир фуқаронинг овозига қулоқ солади. Ҳалол меҳнат, заковат ва илғор тажриба ҳамisha юксак қадрланади. Мен Янги Қозоғистонни шундай давлат сифатида кўрмоқчиман. Мақсадга эришиш учун давлат девонини замонавийлаштириш ёки кадрлар ўзгаришини амалга ошириш етарли эмас. Ўзгаришларни ҳар биримиз ўзимиздан бошламоғимиз керак.

**Қасим-Жўмарт Тўқаев.**  
“Янги Қозоғистон: янгиланиш ва замонавийлашув йўли”.

## Шукроналик ҳисси билан яшайлик!



Шукрона куни. Авваламбор, ушбу ёрқин байрам бизга қандай бетакрор ва гўзал Ватан насиб этгани, ҳаётимиз тобора юксалиб, обод ва фаровон бўлиб бораётганининг қадрига етиб, шукроналик ҳисси билан яшаш зарурлигини яна бир қарра эслатади. Юртимизнинг тинчлиги, халқимизнинг ҳамжиҳатлигини ҳар томонлама асраш ва мустаҳкамлаш, доимо сергак, сезгир ва ҳушёр бўлиб яшашимизни бугун ҳаётнинг ўзи талаб этмоқда.

Ота-боболаримиз бу дорулмон кунларни оруз қилган. Буларнинг барчаси, аввало, Давлатимиз раҳбарининг мамлакат ободлиги, тинчлиги ва элнинг осойишталиги, келажак авлоднинг баркамол вояга етиши йўлидаги фидойилиги туфайлидир. Президентимиз ташаббуси билан 2020 йил – «Кўнгиллар йили», 2021 йил – «Болалар ва ўсмирлар китобхонлигини қўллаб-қувватлаш йили», 2022 йили – «Болалар йили», 2023 йил – «Ислон ва эзгу жамият йили», 2024 йил – «Хитойда Қозоғистон сайёҳлиги йили», 2025

йили – «Ишчи касблари йили» деб эълон қилинди. Энг қувонарлиси, мустақилликка эришгач, Давлатимиз раҳбари томонидан инсонийликни, яхшиликни тарғиб этувчи удумларимиз, миллий қадриятларимиз, тарихий обидаларимиз, азиз авлиёлар қадамжолари қайта тикланди. Мамлакатимизда улкан бунёдкорлик ишлари амалга оширилди. Вилоятимиз ташкил этилиб, Туркистон шаҳри унинг марказига айланди. Ушбу қадим ва навқирон шаҳарнинг обод бўлганини, кишиларнинг бир тану бир жон бўлиб, ободонлаштириш ва яратувчанликка ҳисса қўшаётгани дилни қувонтиради. Буларнинг барчасига мамлакатимиздаги тинчлик ва осойишталик туфайли эришмоқдамиз. Шундай муқаддас Ватанимиз борлигига, осмонимиз тинч, турмушимиз фаровон, дастурхонимиз тўқинлигига ҳар қанча шукроналар келтирсак арзийди.

Президентимизнинг ташаббуси билан Адолатли Қозоғистонни барпо этишга бел боғладик. Адолатли давлат – ҳуқуқий

давлатдир. Унда барча фуқаролар қонун олдида тенг бўлади, қонунлар, қоидалар ва меъёрларга қатъий амал қилган ҳолда умуминсоний имкониятлардан тўлиқ фойдалана олади.

Давлатимиз раҳбари Қасим-Жўмарт Тўқаев «Ана тили» газетасига берган мусохабасида ўтган йили қонунчиликка киритилган янгиларга ҳам тўхтади. «Аҳамиятсиз қонун йўқ, барча қонунлар муҳимдир. Мен Мақтубларим ва Миллий қурултой йиғилишларида ташаббускор бўлган ва илгари сурган бир қатор қонунларни алоҳида таъкидлаб ўтмоқчиман. Бу қонунлар жамоатчилик вакиллари ва экспертларнинг фаол иштирокида ишлаб чиқилгани боис муҳим аҳамиятга эга. Бунинг ўзиёқ қонунчиликни такомиллаштиришда давлат ва фуқаролик жамияти ўртасида самарали ҳамкорликни йўлга қўйиши мумкинлигини кўрсатади. Масалан, хотин-қизлар ҳуқуқларини муҳофаза қилиш, болалар хавфсизлигини таъминлашга қаратилган қонун қабул қилинди.

(Давоми 2-бетда.)

## ТУРКИСТОН ШАҲРИ АҲОЛИСИ ДИҚҚАТИГА!

Қозоғистон Республикаси Президентининг 2022 йил 3 мартдаги “Ҳокимларнинг аҳоли билан учрашувларини ўтказиш тўғрисида”ги 826-сонли фармонининг ижроси доирасида Туркистон вилояти ҳокими Нуралхан Кўшеровнинг Туркистон шаҳри аҳолиси билан учрашуви 2024 йил 12 март кунини соат 11.00да ХҚТУнинг маданият уйи(Туркистон шаҳри, Б. Саттарханов кўчаси, 29-бино)да, шахсий қабул соат 12.00да Ўқувчилар саройи(Туркистон шаҳри, Янги шаҳар, 160-қават, 18А бино)да ўтишини маълум қиламиз.

Вилоят ҳокимининг шахсий қабулига аввалдан ёзилиш учун 8 (72533 5-98-99, 5-93-97 алоқа телефонлари ҳамда «Е-өтініш» ахборот тизими орқали 2024 йил 10 мартгача соат 9:00–19:00 оралиғида (тушки танаффус соат 13:00дан 15:00гача) амалга оширилади. Тегишли ташкилотларнинг иштирокини таъминлаш ҳамда бевосита алоқа ўрнатиш мақсадида ариза берувчининг исми-шарифи, савол мазмуни, манзили, алоқа телефони ҳамда электрон почта (бор бўлса) аниқ кўрсатилиши керак.

**АҲОЛИ БИЛАН УЧРАШУВ**  
ТУРКИСТОН ШАҲРИ

12 март кунини

8/72533/59899, 59397

**Нуралхан КўШЕРОВ**  
Туркистон вилояти ҳокими



## ЎЗБЕКИСТОНДА АБАЙ ТАВАЛЛУДИНИНГ 180 ЙИЛЛИГИ НИШОНЛанади

Бу йил Ўзбекистонда буюк қозоқ мутафаккири Абай Қунанбаевнинг 180 йиллиги кенг миқёсда нишонланади.

Бу ҳақда Ўзбекистон Ёзувчилар уюшмасининг Қозоқ адабиёти кенгаши раиси Турсинали Ахмедов маълум қилди.

У таъкидлаганидек, бу йил Ўзбекистон вилоятларида илмий-амалий анжуман, концертлар, турли танловлар ташкил этилади.

## АСТАНАДАН САМАРҚАНДГА – ТУРКИСТОН ОРҚАЛИ

2025 йил 1 майдан QAZAQ AIR Астанадан Самарқандга янги йўналиш очади. Бу йўналиш Туркистондан транзит орқали амалга оширилади.

Эндиликда йўловчилар нафақат дунёнинг энг қадимий шаҳарларидан бирига тез етиб боришлари, балки Қозоғистоннинг маънавий тарихий маркази – Туркистонда ҳам вақт ўтказишлари мумкин.



Астана – Самарқанд парвози ҳафтасига икки марта – пайшанба ва якшанба кунлари амалга оширилади.

Қозоғистоннинг QAZAQ AIR авиаташувчиси Канадада ишлаб чиқарилган замонавий De-Havilland Dash 8-Q400 самолётларида парвозларни амалга оширади.

24.kz  
маълумотлари асосида.













